

亥 23

18-442

六科準繩

外科
卷二



外科準繩卷二

潰瘍

金壇王肯堂輯

瘦樵程永培校

〔大法〕癰疽已破膿出者是也

集驗云癰疽既破膿出肉腐當用拔毒膏貼之邪氣漸退氣血亦虛脈之洪數漸

宜減退當內補託裏必使氣血滋榮正氣強盛膿色鮮濃赤腫漸收藥宜補氣生血秋冬微加禦風寒之藥十宣散
十全大補湯中用桂是也氣滯加香附如毒勢大退氣血未復宜多用人參當歸黃耆四物湯之類癰疽雖已見膿
根脚赤暈反展開闊或不痛或大痛此痛氣不退金銀白芷散十宣散去厚朴桂倍人參川歸黃耆加忍冬藤連翹
犀角瓜蒌根消毒之藥春末夏間及秋初宜加酒芍黃連黃芩羌活腰以下可去桔梗見膿後須以補氣血藥為主
解毒藥主之或不宜於補藥者宜忍冬丸四圍腫焮處用毫針燒赤刺之約一米深紅腫則縮服藥脈得和緩為佳
或破後不潰瘡口堅硬者風也用蜈蚣散傳之或蠹肉不腐用雄黃輕粉敷之大忌紅腫不退或飲食進少從權且
調理脾胃或兼他證又另議藥治腐肉不知痛痒正黑者可去之但不傷四畔好肉及裏面良肉當去外之黑腐者
下皆去黃白如絮之狀膿內有紅血絲路又不可動此項大膿次日必自脫落無免傷其良肉若怕刀砭三四日必
自脫落但用刀去者新肉易長毒氣漸消凡腐肉亦有少臭氣腐敗去後則無變四圍腐者漸漸去令淨用長肉膏
貼間日用豬蹄湯洗新肉長如梅李如石榴子紅活可愛日見堆阜或上有白膜皆是吉兆若腐敗去後下面良肉
色白而平略無紋理亦不能如米如粟不見漸生之意或膿水清淡或臭此積毒內連五臟血氣枯竭乃是危證肉
不能長氣血不榮衛氣不護瘡則風寒著之用北艾黃耆湯熏洗生肌長肉藥傳之用乳香膏長肉膏等貼之或肉
雖長起色紫者遺毒也用地榆湯活血散敷追毒膏貼之即自紅活瘡口漸收仍用長肉膏貼或瘡口痒用細茶蔥
鹽煎湯熱洗或瘡口易收乃氣血中熱毒故不分消即使長肉必防流注之患或更迷違瘡口如錢大時以轉他證

危殆凡癰疽瘡口已收但皮嫩未可使去膏藥 鬼遺方云凡發背及癰疽皆在背上不問大小有疼無疼或熱或不熱或冷或不冷但從小至大腫起至一尺以上者其赤腫焮熱者即用緊急收赤腫藥圍定不令引開中心即用抽膿聚毒散貼之急令散毒外透內服排膿縮毒內託湯藥候膿成相次破穴看瘡大小深淺內發其膿汁膿水大泄急須託裏內補雖破穴膿汁不多再須排膿拔毒透後慎不令再腫須疼止腫消患人自覺輕便即是膿痔也最宜節慎飲食且熱毒方盛或發大渴多飲冷水及冷漿之類此是毒氣攻心令口乾煩渴但以心氣藥內補臟腑即止矣

內補謂參者之屬排膿謂皂角刺之屬

〔薛〕膿熱而不潰者陽氣虛也宜補之如聖愈湯之類 瘡肉不腐者宜大補陽氣更以

桑柴火灸之 不作膿膿不潰氣虛也託裏消毒散去金銀花白芷連翹三味加參朮肉桂如不應暫用十全大補

湯 腫赤作痛血凝滯也本方加乳香沒藥如不應暫用仙方活命飲 膿出及痛氣血虛也去三味加參耆歸地

潰後食少無睡或發熱者虛也宜補之內補黃耆湯之類 倦怠懶言食少不睡者虛也宜補之黃耆人參湯之

類 寒氣襲於瘡口不飲或臨下不飲者溫補之十全大補湯 脈大無力或濇而微肌肉遲生者氣血俱虛也峻

補之十全大補湯倍用參耆 肉赤而不飲血虛有熱也託裏消毒散去三味加熟地丹皮 肉黯而不飲陽氣虛

寒也前散去三味加參耆白欬官桂 漫腫不痛或肉死不潰脾氣虛也前散去三味加人參白朮如不應加薑桂

更不應急加附子 肉白而不飲陽氣虛也前散去三味加參耆歸朮 膿多而不飲氣血虛也前散去三味加參

耆歸朮熟地黃如不應暫用十全大補湯 飲食少思而不飲胃氣虛也前散去三味加參耆如不應暫用補中益

氣湯 飲食難化而不飲脾氣虛也前散去三味加參耆如不應暫用六君子湯又不應佐以八味丸 膿多而帶

赤血虛也前散去三味加歸地參朮如不應暫用八珍湯加牡丹皮

出血作痛發熱等另分條在後

〔辨膿〕集驗云脈緊而數為膿未成緊去但數為膿已成以手按上熱者為有膿不熱者為無膿按之牢硬未有膿

也按之半軟半硬已有膿也大軟方是膿成也大按之痛者膿深也按之不甚痛者未成膿也按之即復者為有膿

膿成宜急破之

皮淺薄者用替針丸

也不復者無膿也按小便痛薄皮剥起者膿淺也接之四痛皮色不變不高阜者膿深也淺者宜藥點破高突者宜鉗針深者宜烙更詳虛實何如腫處軟而不痛者血瘤也發腫日漸增長而不大熱時時牽痛者氣瘤也虛腫而黃者水也氣結微腫久而不消後亦成膿此是寒熱所為也留積經久積陰生陽寒化為熱以此潰必成癰宜早服內塞藥以排之諸癰瘤疣贅等至年衰皆自內潰不一於補養而妄行攻蝕必有性命之憂至於癰癰結核寒熱發漏經久不消其人面色萎黃被熱上蒸已成膿也治見本條手足指梢及乳上宜膿熟大潰方可開之麻痘後肢節上癰稍覺有膿便須決破遲則成拳曲之疾

〔取膿〕凡瘡腫以手指從瘡旁按至四畔上赤黑者按之色不變膿已結成又按之隨手赤色此亦有膿按之白良久方赤遊毒已息可就赤白色盡處灸斷瘡肉平實久而方消夫癰則皮薄腫高疽則皮厚腫堅初發並宜灼艾惟癰膿成則宜針疽膿成則宜烙切宜熟視詳審候其潰熟膿透於外其勢盈盈欲出只用替針丸自瘡頭咬開不半日許其膿自出切不可用針刀也丹溪云精要論或用針刀業外科者當參參服膚

替針丸 治癰疽已潰未破或破後膿出不快者

白丁香 一字

礪砂 一字

沒藥

乳香 各一

右灰餅藥納種糯米十四粒法用石灰五升爐

灰三升水五升淋取清汁入大鍋內熬濃汁至三二升用瓦器盛貯臨用時以小青盞盛取半盞濃汁却用皮紙貼盞中濃汁面上安定後取糯米十四粒種在皮紙面上一宿即愈右為細末糯米飯丸如麥粒大每用一粒未

破用津貼瘡頭薄處即破膿滯不快則用一粒納瘡口內使膿不帶好肉易生

又方 雄雀糞 二十粒

礪砂

陳倉米

沒藥 各一

右研勻以米飯丸如粟大每用一粒貼瘡口

眼中即潰膿出

替針丁香丸

草烏尖

礪砂

白丁香聖者

右為末酸醋調點將破者令速潰若急則無如刀快蟬針一法亦妙

見後

〔梅〕治諸癰不消已成膿懼針不得破令速決取雄雀糞塗頭上乾即易之雀糞中聖者為雄

〔本事〕治癰疽已有瘡眼未出膿痛不可忍用此藥紙即膿出巴豆一枚去皮膜不去心油鹽豉十四粒口中含去皮令軟同研爛真麝香少許如雞丸入少稀糊捏作餅子如鼠糞犬大小臨時看瘡口紙之只以紙捻子送入藥須臾必痛忍之良久膿遂出

〔丹〕出一切瘡口用出蠟燭殼燒存性無灰酒調下每服一枚服下一個時辰便有瘡口一個若服兩枚出瘡口兩個

〔精〕癰成膿宜針其鐵用馬銜鐵為之形如韭菜兩面皆利可以橫直裂開五六分許取其毒血如覺病輕須先灸而後裂〔婁〕按癰如椒眼數十粒或如蜂窠連房而膿出痛不除宜用針者以針橫直裂之則毒血挾膿出而愈如無椒眼之類只消直入取膿不必裂之也又法當椒眼上各各灸之亦佳不必裂也

〔靈〕鉞針者末如劍鋒以取大膿〔素〕夫癰氣之息者宜以針開除去之病疑篇王註云息應也死肉也治腐腫者刺腐上視癰大小深淺刺刺大者多血小者深之必端內針為故正長刺深論○大者多血小者深之八字行矣

皮厚毒深宜烙

鉞針取膿

〔精〕疽成膿宜烙可用銀篋大二分長六寸火上燒令赤急手熨烙毒上得膿為效〔鬼遺〕凡癰疽在虛處皮眼不見處皆是惡症如發高腫紫赤皮薄光澤覺裏有膿毒諸藥貼烙不破者宜用熟銅針於油火上燎透先用墨筆點定却當頭以針淺刺入隨針出膿者順也有不隨針膿出當用白紙作紐紐入針孔引出膿毒當時腫退可及三分如腫不退是一逆也腫不退疼不除但膿出二逆也膿疼不退患人不覺瘡輕三逆也雖用針破出膿亦無所濟須急用引膿託裏湯藥以助其勢力可也更有癰生實處不問淺深如有膿即用針烙無言稍緩即恐傷筋骨內疼凡

近筋脈骨節處不得亂行針烙反致他病也 患疽初生亦硬或在虛處毒氣淺或在實處毒氣深切須仔細辨認仍問患人疼痛覺深覺淺其患處瘡頭不拘多少其間須有一個最大者即是大膿竅當用熟鐵大針頭如釵腳者於麻油燈上燒令熱透以大頭處按定插入一寸或至二寸膿當下恐未有膿毒出却用白紙作紐子紐入候次日取出其膿即隨紐下矣膿色黃白即好若赤黑色防後有鮮血出即患人寒戰不禁具有虛處不得妄行針烙 凡患發背覺似有膿成使用大熟鐵針烙當正頭上烙之其烙並用麻油燈上燒令通紅烙入可二寸許初入肉即須橫插入不得正入恐烙透膜也如已有破處皮爛潰熟更不得用針烙如是橫長赤引開闊當須兩頭下火針令膿毒隨針引出肥人膿汁多瘦人膿汁少如肥人却少瘦人却多多是肉敗壞成膿少是肉不腐爛受氣實也尤宜詳審不可造次便行針烙亦看患人氣脈勻和榮衛氣不節滯血脈不致凝澀即行針烙無畏切須仔細患人氣虛脈氣大者亦不可亂行針烙針烙之法不可容易先看皮紋緊慢厚薄紫赤色大光澤者即可用針烙如皮肉未變不可用針針亦無濟大抵用針只欲引膿如針刺無膿是氣伏也不可用針烙(丹)或問烙法如何曰膿或汪洋欲出奈何皮厚肉深難穴者既前無內託之藥先致力於內後又不用烙以開竅脈膿何由出 膿本肉腐所成皆挾毒熱之氣若久留肉腠間則毒氣浸淫好肉亦化為膿腐此所以烙法有功於潰瘍也彼根淺而皮薄者何必假此以賣弄假法恐嚇而脇取利也

(發表)一男子潰後發熱頭痛脈浮緊虛而兼表邪也以補中益氣湯加川芎白芷二劑而止更以託裏藥而愈 一男子風襲瘡口牙關緊急腰背反張以玉真散一服而愈仍以託裏藥而愈 一男子患癰將斂遍身作痒脈浮以消風散二服而止更以託裏藥而愈

(攻裏)薛一人胸患癰焮痛煩躁發熱作渴脈數而實時李冬予謂此熱毒內畜須捨時從證欲治以內疎黃連湯彼以時當隆寒乃雜用敗毒藥愈熾仍求治投前湯二劑後去二次諸證悉退以金銀花散加連翹山梔四劑出水

而消 羅謙甫治賈倉使父

見發背

〔清熱〕一男子患癰潰而飲酒煖痛發熱服黃連解毒湯二劑而止更以託裏消毒散而愈常治痛而大便秘脈實者用清涼飲治之

〔已寒〕羅至元壬午有王伯祿者年五十七右臂臍腫盛上至肩下至手指色變皮膚涼六脈沉細而微脈症俱寒舉瘍醫彥和視之曰此乃附骨癰開發已遲以燔起之膿清稀解待日再開之如吃逆不絕彥和與丁香柿蒂湯兩服稍緩待日吃逆尤甚自利臍腹冷痛腹滿飲食減少時發昏憤於左乳下黑盡處灸二七壯又處以乾薑附子木香沉香茴香羌活類藥咬咀一兩半欲與服或者曰諸痛痒瘡皆屬心火又當盛暑之時用乾薑附子可乎予應之曰理所當然不得不然內經曰脈細皮寒瀉利前後飲食不入此謂五虛吃逆者胃中虛極也諸腫瘡瘍皆屬心火是定理也此症內外相反須當捨時從症非大方辛熱之劑急治之則不能愈也遂授之諸症悉去飲食進瘡勢溫膿色正彥和又與五香湯數服月餘平復噫守常者眾人之見知變者大人之事知常而不知變細事因而取敗者亦多矣況醫乎守常知變豈可同日而語哉 陳錄判母治案

見腦疽

託裏溫中湯 治瘡為寒變而內陷者膿出清解皮膚涼心下痞滿腸鳴切痛大便微澹食則嘔氣短促吃逆不絕不得安卧時有昏憤

丁香

沉香

茴香

益智仁

陳皮

木香

羌活

乾薑

炮各三錢

甘草

炙二錢

黑附子

炮去皮臍四錢

內經曰寒淫於內治以辛熱佐以苦溫以附子乾薑大辛熱

溫中外發陽氣自裏之表以為君羌活苦辛溫透關節炙甘草甘溫補脾胃行經絡通血脈胃寒則嘔吐吃逆不

下食益智仁丁香沉香大辛熱以散寒為佐瘡氣內攻氣聚而為滿木香茴香陳皮苦辛溫治瘡散滿為使也

右咬咀作一服水三盞生薑五片煎至一鍾去滓不拘時溫服忌一切冷物

〔補虛〕薛一童子腹下患癰不飲膿清脈大倦怠懶食少寐自汗口乾以內補黃耆湯及豆豉餅灸之兩月而愈凡瘡膿潰而清或瘡口不合或聚腫不赤肌寒肉冷自汗色脫者皆氣血俱虛也非補不可 一男子腰患毒膿熟不潰針之膿大泄反加煩躁以聖愈湯四劑而寧更以人參養榮湯加麥門冬五味子兩月而愈此人後患濕氣遂為痼疾凡瘡膿血去多瘡口雖合尤當補益務使氣血平復否則更患他證必難治療慎之 一婦人患臂癰瘡口紫陷膿清不飲彼以為毒未盡欲服攻毒之劑予謂瘡瘍之證腫起堅硬膿稠者實也腫下軟慢膿稀者虛也遂用附子餅灸之及飲十全大補湯百劑始愈 一婦人患附骨癰久而不飲致腿細短軟脈來遲緩以十全大補湯加牛膝杜仲及附子餅灸之兩月餘而愈凡膿潰之後脈澀遲緩者易愈以其有胃氣故也脈來細而沉時直者裏虛而欲變證也若煩痛尚未痊也洪滑粗散者難療以其正氣虛而邪氣實也 一男子腰中患此發而不潰其氣血止能發起不能培養為膿也投大補藥數劑膿出尚清乃服參耆歸朮膏斤餘膿少稠數斤膿漸稠肌肉頓生大癰癰疽藉氣血為主若患而不起或潰而不腐或不收斂及膿少或清皆氣血之虛也宜大補之最忌攻伐之劑亦有膿反多者乃氣血虛而不能禁止也若潰後發熱作渴脈大而膿愈多屬真氣虛而邪氣實也俱不治常見氣血充實之人患瘡皆腫高色赤易腐潰而膿且稠又易於收斂怯弱之人多不起發而腐潰及難於收斂若不審察而妄投攻劑虛虛之禍不免矣及患後當調養若瘰癧流注之證尤當補益否則更患他證必難措置慎之 一上舍年踰四十因怒脇內作痛不止數日後外結一塊三寸許漫腫色不赤按之微痛予謂怒氣傷肝致血傷氣鬱為患以小柴胡湯對四物倍子芎歸黃耆貝母肉桂治之彼謂丹溪云腫瘍內外皆雍宜託裏表散為主又云凡瘡未破毒攻臟腑一毫熱藥斷不可用況此證為氣血凝滯乃服流氣飲愈虛始信而復求治視之虛證併臻診之胃氣更虛彼欲服予前藥予謂急者先治遂以四君子湯加酒炒芍藥炮乾薑四劑少愈更加當歸又四劑胃氣漸醒乃去乾薑又加黃耆肉桂芎歸數劑瘡色少赤并微作痛又二十餘劑而膿成針之却與十全大補湯意其謹疾又兩月餘而

瘰夫氣血凝滯多因榮衛之氣弱不能運散豈可復用流氣飲以益其虛況各經氣血多寡不同心包絡膀胱小腸肝經多血少氣三焦膽腎心脾肺少血多氣然前證正屬膽經少血之臟人年四十以上陰血日衰且脈證俱屬不足腫瘍內外皆壅宜託裏表散為主乃補氣血藥而加之以行散之劑非專攻之謂也若腫焮痛甚煩躁脈大辛熱之劑不但腫瘍不可用雖潰瘍亦不可用也凡患者須分經絡氣血地部遠近年歲老幼稟氣虛實及七情所感時令所宜而治之常見以流氣十宣二藥藥治結腫之證以致取敗者多矣(趙)無錫華氏年六十患背瘡潰發大如旋盤而色赤想是平日多服金石藥毒發所致問之果然因令侵晨飲羊血三五升始用退熱解毒生氣血之劑協以生肌膏半月後肌生膿少予因歸令服此藥百餘貼方可安全一月後復來招往視其瘡皮肉已堅厚如常但食少無力因問前日之藥服幾何曰瘡將平遂止不服脈之沉微甚因知其氣血止可供給瘡平而已於真氣則已竭不可治即古人所謂死於瘡結痂之後果不出半月而死不獨此膿出後之虛若因虛而發癰疽者亦然若以常法攻之則氣血不勝藥力之散而愈虛邪得以乘機入內多成不救

加味十全湯 治癰疽潰後補氣血進飲食

黃耆蒸

地黃蒸

當歸

川芎

人參

茯苓

芍藥

白朮

陳皮各一兩

粉草炙

桂心

五味子各半兩

烏藥七錢

右咬咀每服一兩

用水一椀生薑五片棗二枚同煎分作二服留渣曬乾為末服之丹溪云加味十全湯須看年之老壯資之強弱症之緩急時之寒熱加減用之

丹溪云加味十全湯治癰疽後補氣血進飲食實為切要蓋膿血出多陰陽兩虛非此藥何以回生起死惜其不分經絡不載時令又在識者觸類而長之令之外科於瘡瘍腫平痛寬遂以為安漫不加省往往於結痂後兩三月或半年虛證乃見醫者不察病者不悟無補接調養之功因而轉成他病者惜哉予治一士夫因脚弱求診兩手俱浮

洪稍鼓飲食如常惟言語問之不容肌上起白屑如蝕片時在冬月予作極虛處治詢其弟乃知半年前曾於臂背腿三處自夏至秋冬節次生疽率用五香連翹湯十宣散與之今結痂久矣予為作參耆白朮當歸膏以二陳湯化飲之三日後盡藥一斤白屑沒者大半病者自喜呼吸有力補藥應效以漸而病家反怨藥不速應自作風病論治煉青礞石二錢半以青州白丸子作料煎飲于頓服之予諫之不聽因而不救書以為警云

補中益氣湯 治瘡瘍之人元氣不足四肢倦怠口乾發熱飲食無味或飲食失節或勞倦身熱脈洪大而無力或頭痛或惡寒自汗或氣高而喘身熱而煩

黃耆各錢

甘草各錢

人參

當歸酒拌

白朮炒各錢

升麻

柴胡

陳皮各錢

作一劑水二鍾薑三片棗二枚煎一鍾空心服

人參養榮湯 治潰瘍發熱或惡寒或四肢倦怠肌肉消瘦面色痿黃呼吸短氣飲食無味不能收飲或氣血原不足不能收飲若大瘡愈後多服之不變他病

白芍藥各錢

人參

陳皮

黃耆蜜炙

桂心

當歸酒拌

白朮

甘草各錢

熟地黃酒拌

五味子炒拌

茯苓各錢

遠志去心炒

作一劑水二鍾薑三片棗一

枚煎八分食前服

四君子湯 治脾胃虛弱或因伐腫痛不散潰飲不能宜用此以補脾胃諸症自愈若誤用攻毒七惡隨至脾胃

虛弱飲食少思或食而難化或欲作嘔或大便不實若脾胃氣虛瘡口出血吐血便血尤宜用之蓋氣能攝血故

也凡氣血俱虛之證宜於前湯但加當歸脾胃既旺飲食自進陰血自生若用四物沉陰之劑脾胃復傷諸症蜂

起若命門火衰而脾土虛寒必用八味丸以補土母

人參

茯苓

白朮各錢

甘草各錢

右薑棗水煎服

六君子湯 治脾胃虛弱或寒涼尅伐腫痛不消或不潰飲宜服此湯以壯榮氣諸症自愈即前方加陳皮半夏
異功散 治脾胃虛弱飲食少思即四君子湯加陳皮

四物湯 治血虛發熱或因失血或因尅伐或因潰後致暍熱內熱煩躁不安皆宜服之經云血生於脾若脾虛不
能生血者宜用四君子湯加當歸酒炒白朮以補脾

熟地黃 當歸各三錢 芍藥二錢 川芎一錢五分 右水煎服

八珍湯 調和榮衛順理陰陽滋養血氣進美飲食退虛熱此氣血虛之妙藥也

當歸酒拌 川芎 芍藥炒 熟地黃酒拌 人參 白朮炒 茯苓各一錢

甘草炒五 作一劑水二鍾薑三片棗二枚煎八分食前服

十全大補湯 治潰瘍發熱或惡寒或作痛或膿多或清或自汗盜汗及流注瘰癧便毒久不作膿或膿成不潰潰
而不斂若血氣不足之人結腫未成膿者宜加枳殼香附連翹服之自消

人參 肉桂 地黃酒洗 川芎 白芍藥炒 茯苓 白朮炒

黃耆鹽水 當歸酒拌各一錢 甘草炙五 作一劑用水二鍾薑棗煎服

歸脾湯 治憂思傷脾血虛發熱食少體倦或脾不能攝血以致妄行吐下或健忘怔忡驚悸少寐或心脾作痛自

汗盜汗或肢體腫痛大便不調或婦人經候不准暍熱內熱或唇瘡流注等症不能消散潰飲

白朮 白茯苓 黃耆炒 當歸 龍眼肉 遠志肉 酸棗仁炒各一錢

木香五分 甘草炙三 人參一錢 右薑棗水煎服

黃耆人參湯 治諸瘡破後食少無睡及有虛熱穢氣所觸者

黃耆二錢 人參 白朮 麥門冬 蒼朮 陳皮 升麻

五味子

當歸身

甘草各一錢

黃柏炒四分

炒熟五分

右作一服水二鍾煎一鍾食遠服

託裏當歸湯

治潰瘍氣血俱虛瘡口不飲或晡熱內熱寒熱往來或婦人諸瘡經候不調小便頻數大便不實等症

當歸

黃耆

人參

熟地黃

川芎

芍藥各一錢

柴胡

甘草各五

右水煎服

內補黃耆湯

見癰疽兼症痛條

人參散 治癰疽內虛不足

人參

白朮

白茯苓

枸杞子各一兩

熟地黃

黃耆各二兩

桂心

白芍藥

當歸微炒

甘草各半兩

右剉碎每服四錢水一中盞入生薑半分棗三枚煎至六分去滓

不拘時溫服

麥門冬湯

治癰疽潰後膿水不絕

麥門冬去心

黃耆剉

五味子炒

白茯苓去黑皮

人參去蘆

官桂去麋皮

當歸切焙

遠志去心

芎藭剉

甘草各半兩

右以咀每服五錢水一盞半入生薑半分棗二枚擘破同煎至一盞去渣空心溫服

煎至一盞去渣空心溫服

護壁都尉

治諸發已潰去舊生新老人氣血虛弱宜補之此藥於潰後服至愈而止

防風去蘆

厚朴去粗皮薑汁炒

苦梗

白芷

黃耆各半兩

川芎

甘草

柳桂

當歸各三錢

人參二錢

右以咀每服二錢空心溫鹽酒調服至瘡口合後更服為佳不飲

酒木香湯兼服降氣湯尤妙方見

六味丸一名六味地黃丸

此壯水之劑夫人之生以腎為主凡病皆由腎虛而致此方乃天一一生水之劑無有不可用者世

六味丸

六味丸

六味丸



所罕知若腎虛發熱作渴小便淋秘痰氣雍盛欬嗽吐血頭目眩暈小便短少眼花耳聾咽燥痛口舌瘡裂齒
不堅固腰腿痠軟五臟癆損肝經不足之症尤當用之 水能生木故也若腎虛發熱自汗盜汗諸血失血失瘡冰
泛為痰之聖藥血虛發熱之神劑也

熟地黄

生者自製八兩

山茱萸肉

山藥各四兩

白茯苓

牡丹皮

澤瀉各三兩

右地黃梓膏餘

為末蜜和丸桐子大每服七八十九滾湯下

八味丸 治命門火衰不能生土以致脾土虛寒而患流注鶴膝等症不能消清 收斂或飲食少思或食而不化臍

腹疼痛夜多泄弱即前方加肉桂附子各一兩經云益火之源以消陰翳即此方也

加減八味丸 治症同前即六味丸加肉桂五味子各一兩

東垣癰疽用藥加減法

如發背疔腫膿潰前後虛而頭痛者託裏藥內加五味子

恍惚不寧加

人參茯神 虛

弱而發熱者加地黃瓜蒌根

潮熱者加柴胡地骨皮

渴不止者加知母赤小豆

虛煩者加枸杞天

門冬 自

利者加厚朴

膿

多者加當歸川芎

痛多者加芍藥乳香

肌肉遲生者加白斂官桂

有風邪者加獨活

防風

心驚悸者加丹砂

口目瞤動者加羌活細辛

嘔逆者加丁香藿葉

痰多者加半夏陳皮

作痛丹溪云膿

潰之後腫退肌寬痛必漸減而反痛者此為虛也宜補之

託裏消毒散去後

脈數虛而痛者屬

清涼

脈瀼而痛

虛火宜滋陰

脈數實而痛者邪氣實也宜泄之

脈實便秘而痛者邪在內也宜下之

清涼

脈瀼而痛

者氣血虛寒也溫補之

敗毒散丹云防

風桂枝之類

若有膿為脂膜間隔不出或作脹痛者宜用針引之或用利刀剪之腐肉堵塞者去之

亦有風寒所逼者宜溫散之

亦有風寒所逼者宜溫散之

亦有風寒所逼者宜溫散之

丹權小娘瘡後右腿股生癰破後筋吊疼脈虛而瀼詢之小便時疼處亦相應乃與生血導熱之藥

川芎

當歸頭

條苓

生地黃

赤芍藥

牛膝

川芎

當歸頭

條苓

生地黃

赤芍藥

牛膝

黃蘗

甘草二

青皮炒

檳榔五分

通草三分

桂皮一錢

右煎食前熱飲之

人參內託散 治瘍瘡潰膿而作痛者

人參

黃耆

當歸

川芎

厚朴

防風

桔梗

白芷

官桂

紫草

木香

甘草

右入糯米二撮水煎服

餘見後兼證痛門宜參看

〔發熱〕戴院使云未潰之際憎寒壯熱狂言妄語如見鬼神膿去已多而大熱不休者似為難治蓋毒之傳膿腐傷

寒表證之得汗汗已而反大熱則為壞傷寒矣又云患癰毒人膿血已潰所去過多津液枯竭多病於渴縱有發熱

躁擾等證不可以治宜用益榮生津之劑若大熱不止者難療 脈浮或弱而熱或惡寒者陽氣虛也宜補氣補中

湯 脈濇而熱者血虛也宜補血四物湯 人參養 午前熱補氣為主四君子湯 午後熱補血為主四物湯

脈浮數發熱而痛者邪在表也宜散之 脈沉數發熱而痛者邪在內也宜下之

〔薛〕瘡瘍發熱煩躁或出血過多或潰膿大泄或汗多亡陽或下多亡陰以致陰血耗散陽無所依浮散於肌表之

間而非火也若發熱無寐血虛也用聖愈湯兼汗不止氣虛也急用獨參湯發熱煩躁內瞤筋惕氣血虛也用八珍

湯大渴面赤脈洪大而虛陰虛發熱也用當歸補血湯肢體微熱煩躁面赤脈沉而微陰盛發躁也用四君加薑附

東垣云晝發熱而夜安靜是陽氣自旺於陽分也晝安靜而夜發熱是陽氣下陷於陰中也如晝夜俱發熱者重陽

無陰也當峻補其陰治者詳之

託裏消毒散加減法 頭痛發熱邪在表也本方加川芎羌活若外邪在表而元氣實者暫用人參敗毒散 頭痛

惡寒表虛也去金銀花連翹二味倍參耆 發熱飲冷便秘內熱也去參耆歸朮加大黃 發熱飲熱便秘內虛

也去二味加參耆歸朮 面目赤色煩熱作渴脈大而虛血脫發躁也去連翹金銀花白芷三味倍黃耆當歸如

補虛

虛寒以桂
附佐

宿食宜下

不應暫用當歸補血湯 身熱惡衣欲投於水脈沉微細氣脫發躁也去三味加肉桂附子如不應暫用附子理中湯 若婦人勞役恚怒或適經行發熱譫語或夜間熱甚病在血分也去三味加生地黃牡丹皮柴胡如不應暫用加味四物湯

一男子膿熱不潰微痛少食倦怠發熱予為針之膿湧出熱益甚乃虛故也急以人參黃耆湯二劑熱愈甚此藥力尚未及也又二劑果應再以當歸補血湯數劑而痊東垣云發熱惡熱大渴不止煩躁肌熱不欲近衣服洪大按之無力或目痛鼻乾者非白虎湯證也此血虛發躁宜當歸補血湯主之

一儒者患流注發熱作渴頭痛自汗脈洪大按之無力此氣血虛寒也用十全大補加麥門五味治之其症益甚仍用前藥加附子一錢四劑諸證悉退除去附子加肉桂二十餘劑氣血漸復又因勞心發熱惡寒飲食減少此脾胃復傷元氣下陷用補中益氣加附子一錢二劑熱止食進仍用大補元氣而安後因考試不利懷抱不舒更兼勞役飲食日少形氣日衰吐痰作渴頭痛惡寒或熱來復去或不時而動仍用補中益氣數劑諸症漸愈元氣漸復乃去附子再加肉桂五分百餘劑而愈 一男子背瘡不斂小便赤澀腰腫發熱口乾體倦脈洪數而無力用參耆歸朮熟地芍藥陳皮麥門五味炙草肉桂以補元氣引火歸經脈症益甚此藥力未能及也再劑頓退除去肉桂又數劑而愈此症因前失補元氣故耳 操江五都憲背瘡愈後大熱誤為熱火用苦寒藥一鍾寒熱益甚欲冷水浴身脈浮大按之全無余曰此陽氣虛浮於肌表無根之火也急用六君子加附子一劑而愈

外舅於見素膏梁厚味四十三歲疽發於背瘍醫投五香湯躁熱欲狂予固沮之而後已潰後平靜一日熱復大作五六日益甚脈洪數無倫醫皆以為虛宜補予私計膏梁之變重以五香之熱當治以苦寒且大便不行數日矣蓋下之以泄其毒乎乃研石膏末兩許知母二三錢甘草一錢黃瓜萐一枚和仁搗碎為一劑命僮熾炭注水而自煎之夏醫生苦口力諫以隆冬潰瘍無用白虎法余故復加石膏兩許而置大黃片五錢於袖中湯既沸則以袖籠藥

銚若為移遠火者而潛下大黃於銚中時妻叔二三輩皆環爐坐注目而視不覺也夏生語於聲甫飲是藥必死別去聲甫以告余哂之藥成持以飲外舅少頃大便下結糞及食物未化者滿行清中熱退身涼乃以四君子湯調之月餘而平先是每日診脈皆言不思食食少而瘡大去死肉多自慮何以生肌斂口乎予信之初意其便溺阻隔而漫下之亦不知為傷食發熱也夏愧甚遂徙去

黃耆散 治癰潰後補虛去客熱

黃耆

石膏各二兩

知母

麥門冬去心

白芍藥

白茯苓

桂心

熟地黃

人參去蘆

川升麻各一兩

甘草炙微赤

右剉碎每服四錢水一中盞煎六分去滓溫服

日三四服

當歸補血湯 治瘡瘍潰後氣血俱虛肌熱躁熱目赤面紅煩渴引飲晝夜不息脈洪大而虛重按全無此脈虛血

虛也若誤服白虎湯必死宜此主之

黃耆

兩錢

當歸酒拌

作一劑水一鍾半煎六分服

沉香散

治癰膿潰已絕肌肉內虛尚有餘熱

沉香

柴胡去苗

黃耆

麥門冬去心各

白朮七錢

熟地黃二兩

黃芩

瓜蒌根

甘草生剉各

右剉每服四錢水一中盞入竹葉二七片小麥五十粒煎至六分去滓不拘時

濕服

加味逍遙散 治肝脾血虛內熱發熱或遍身搔痒寒熱或肢體作痛頭目昏重或怔忡煩赤口燥咽乾或發熱盜

汗食少不寐或口舌生瘡耳內作痛或胸乳腹脹小便欠利

甘草

當歸

芍藥酒炒

茯苓

白朮炒

柴胡各一錢

牡丹皮

山梔炒各七分 右水煎服

梔子黃芩湯 治發背癰疽潰後因飲食有傷調攝不到發熱不住用以退熱

漏蘆 連翹

山梔仁

黃芩去心

防風

石葦如無有以桑白皮代

生甘草

生犀角屑

人參

苦參各去蘆

茯苓去皮各二錢半

生黃耆一兩去蘆

右為粗末每服四大錢水一

鍾煎至六分去滓溫服

〔惡寒〕一男子潰而惡寒用四君子湯加桂倍用黃耆大料四劑而止膿水尚多投八珍湯加桂數劑漸少惟瘡口不合以附子餅及十全大補湯每劑加炮附子五分數劑乃去附子又服月餘而愈 一男子潰後畏寒脈虛以四

君子加炮薑四劑而愈以十全大補湯月餘而飲仲景云脈虛則血虛血虛生寒陽氣不足也瘡腫脈虛宜託裏和

中養血信夫

〔嘔逆〕丹溪治一老人年七十

云云見兼症

五香白朮散 寬中和氣滋益脾土生肺金進美飲食

方見內癰門肺癰條下

〔禁忌丹〕五香湯即五香連翹湯去射干大黃升麻連翹加參犀角若用於腫瘍猶可借其飛走以攻散其毒使不

延蔓若用於潰瘍雖多有參者甘草之緩補而走泄太多蓋不犯仲景已有得汗復汗得下復下重虛之戒可不省乎

精要云血氣聞香則行聞臭則逆又言飲食調令香美益其脾土養其真氣夫甘而淡者可養脾土若香美者但能

起火經以熱傷脾熱傷氣為戒今曰益脾養氣若施之於腫瘍者似有暢達之理潰瘍後用香美恐有發濕熱損真

陰之患矣

精要云熱盛脈數與漏蘆湯單煮大黃等湯不甚熱脈緩弱只投五香連翹湯夫熱盛脈數若腫瘍時臟腑秘而體

實者猶可與大黃若潰瘍後膿血出多者熱盛脈數去死為近其可下乎緩弱之脈古人皆以為邪毒已散五香之

清從忌五
香飛散忌
大黃下積